



UNIVERSITÄTS-  
BIBLIOTHEK  
PADERBORN

# **Claudii Fleurii Abbatis Historia Ecclesiastica**

Ab Anno Christi 813. Usque Ad Annum 859

**Fleury, Claude**

**August. Vind. [u.a.], 1760**

**VD18 90117867**

§. 8. S. Theodori Studitæ obitus.

---

[urn:nbn:de:hbz:466:1-66103](https://nbn-resolving.org/urn:nbn:de:hbz:466:1-66103)

## §. VIII.

Sæculum IX.  
A.C. 826.*S. Theodori Studitæ obitus.*

In Oriente S. Theodorus Studita in gravem morbum incidit mense Novembri ineunte. Gliscente vero ejus periculi fama Episcopi complures, Cœnobiorum Antistites, alique homines pii adesse festinarunt, ut moriturum ultimo conspicerent. Cum lingua officium negaret, accito Notario debili voce dictavit, quæ ad circumstantes dicturus fuisset. Tum remittente morbo suis pedibus incedens Ecclesiam petiit, ibi Sanctum Sacrificium celebravit, erat enim Dies Dominica illius mensis quarta. Rursus congruam habuit ad præsentem orationem; postquam autem illis dedisset Communionem, & cum ipsis cibum summisset, lectulo iterum decubuit, advocavitque Oeconomum, quem de aliquibus necessariis edocuit. Naucratus is erat, fidelis ejus Discipulus & qui præfecturam post eum gessit. Sexta die Novembris, S. Pauli Episcopi Constantinopolitani & sub Constantio Confessoris memoriæ Sacra Theodorus Ecclesiam rursus petit, tum Sacris operaturus tum verba facturus ad Fratres. At sequente nocte ingravescente vi morbi, cum per biduum magnis doloribus fuisset excruciat, sensit sibi obitum instare, & fra-

*vit. n. 123.**Sup. Lib.  
XIII. §. 8.*

Sæculum IX. tribus excessum suum annunciavit  
A. C. 826. Duos alios dies in hunc modum exegit  
 accedentibus benedicens Crucisque si-  
 gnum imprimens.

Die autem Dominica undecima No-  
 vembris S. Mennæ Martyris honori sa-  
 cra, cum sensim deficere se animadver-  
 teret, consuetas laudum preces incho-  
 ri jubet, oleo infirmorum ungitur, &  
 Communionem in viaticum animæ &  
 munimen accipit. Mox etiam lumina-  
 ria succendi, & recitari hymnos in fu-  
 neribus dici solitos innuit. Discipulo-  
 rumque corona circumstante, ac can-  
 tante Psalmum longum centesimum de-  
 cimum octavum, quem Græci hodie-  
 que in exequiis recitant, appositus est  
 ad Patres suos. (\*) Annos natus erat  
 sexa-

*Enchol.*  
*p. 109.*

(\*) Præfationis ad Tomum quintum Variorum Operum Jacobi Sirmondi S. J. Presbyteri, nitidissimæ Editionis Venetæ, anno millesimo septingentesimo vigesimo octavo, hoc est exordium: *Quis quantusque vir fuerit Theodorus Studites, sive sanctitas vitæ & facta ejus præclara; sive Doctrina, eloquentia & ingenii monumenta spectentur: quantaque viri auctoritas & existimatio in Ecclesia Orientali extiterit; tum Vita a Michaele monacho, qui cum ipso vixit, accurate conscripta. . . . tum etiam quæ collegimus Veterum de eo testimonia: ac demum Elogia sane luculenta a nobis ex Baronii*

sexaginta sex obiitque extra urbem Constantinopolitanam in Peninsula S. Triphonis, unde primum in Principis Insulam & post spatium annorum octodecim in Monasterium suum Studiense translatus est. Naucratus Theodori Successor datis litteris circularibus ad illos omnes quos persecutio in diversa sparserat, obitus ejus adjuncta enarrat. Vitam vero ipsius Michael Studita ejus Discipulus aliquanto post scripsit. Ejusdem memoriam Ecclesia Græca ipsa die undecima Novembris, & Ecclesia Latina die sequente colit.

Sæculum IX.  
A. C. 826.

vit. n. 131.  
Combes. to. 2  
Auct. Bibl.  
p. 855.  
Mart Rom.  
12. Nov.  
Menol. II.  
Nov.

## §. IX.

*S. Theodori Testamentum.*

Præter illud Testamentum, cuius supra meminimus, reliquit & aliud amplius, quod Platone adhucdum in vivis agente scripserat. In eo leguntur primo ipsius Confessio, tum multa ad Abbatem Successorem suum & Monachos suos monita, tanquam totidem Instituti Monastici præcellentes Regulæ. Ad Abbatem dicit: *Non possidebis ex Mundo hoc*

Sup. Lib.  
XLVI. §. 38  
Oper. init.  
p. 80. c. 7.

N 5

quic-

*ronii Annalibus sublecta . . . abunde docent.*  
Econtra, idem Sanctus Theodorus Caveo Anglo in Sæc. Phot. est homo petulans, superbia inflatus, Regimini Ecclesiastico, ac rebus maximi momenti, illotis manibus, sese immiscens.